

გრძელვადიანი ინვესტირების ზოგიერთი სფეროების განვითარების შესახებ

რეზიუმე

მარიამ მრისთავი

სტუდ. დოქტორანტი

სტატიაში – „გრძელვადიანი ინვესტირების ზოგიერთი სფეროების განვითარების შესახებ“ – უპირველესად წარმოდგენილია გრძელვადიანი ინვესტირების სფეროები – ინფრასტრუქტურა (ტრანსპორტის და ლოგისტიკის ჩათვლით), ენერგეტიკა და სამთო-მოპოვებითი მრეწველობა – შემდეგ კი ისინი განხილულია იმ სფეროებად, რომლებიც ხანგრძლივადიანობის ფაქტორის გამო, არ არიან საინტერესო კერძო სექტორისთვის და მათზე სახელმწიფომ უნდა იზრუნოს.

სტატიაში აღნიშნულია, რომ საქართველოში ინფრასტრუქტურა, ტრანსპორტი და ლოგისტიკა (ნაწილობრივ) და ასევე ენერგეტიკის ობიექტები (ასევე ნაწილობრივ) მართლაც იქმნება სახელმწიფო დაფინანსებით, რაც შეეხება სამთო-მოპოვებით მრეწველობას, მასში განხორციელებული ინვესტიციები მიზეზულია.

ავტორის აზრით, გრძელვადიანი ინვესტირებით ვქმნით ისეთ ობიექტებს, რომლებსაც ვუტოვებთ მომავალ თაობებს, ამიტომ ქვეყანას დღესვე უნდა ჰქონდეს იმის ხედვა, თუ რა დასტრიდებათ მათ ჩვენგან, აირჩეს მათგან პრიორიტეტები და ქვეყნის ხელში არსებული რესურსული შესაძლებლობის ფარგლებში, შეიქმნას ისინი. რესურსების საკითხის განხილვისას სტატიის ავტორი უპირატესობას აძლევს ადგილობრივ ინვესტირებს, რადგან შიშობს, რომ უცხოური ინვესტიციებით ზედმეტი გატაცება კონტროლს დაგვაკარგვინებს ჩვენს სტრატეგიულ ობიექტებზე.

დასკვნის სახით ავტორი იძლევა წინადადებას, რომ გრძელვადიანი ინვესტირების სფეროების განვითარებაზე ცალკე სტრატეგია უნდა შემუშავდეს.

საკვანძო სიტყვები: გრძელვადიანი ინვესტირება; გრძელვადიანი ინვესტირების სფეროები; ინფრასტრუქტურა; ენერგეტიკა; ტრანსპორტი; სამთო-მოპოვებითი მრეწველობა; ინვესტირების სტრატეგია.

პირითაღი ტექსტი

ნებისმიერი, წარმონაქმნი ოჯახი იქნება იგი კომპანია, თუ სახელმწიფო, გრძელვადიან ხედვას საჭიროებს. ასეთ ხედვას სტრატეგია ეწოდება. მას ორი მიზანი აქვს: 1. სტრატეგიული მიზანი; 2. ფინანსური მიზანი. სტრატეგიული მიზანი გვიჩვენებს თუ საით მივდივართ და რა მიჯნაზე უნდა გავიდეთ, ფინანსური კი – რა სარგებელს მივიღებთ იქიდან.

სტრატეგიული მიზნის შესრულებას გრძელვადიანი ინვესტიციები სჭირდება. ეს ის რესურსია, რომლის დაბანდება და უკუგებას შორის არსებული დროის ღირსი ხანგრძლივია. იგი მოკლევადიან წარმატებებზე არ არის ფოკუსირებული. სახელმწიფო, რომელიც ამაზე არ ფიქრობს განწირულია წარუმატებლობისთვის.

დღეს საქართველოში ყველა ინვესტორი – კომერციული ბანკი, ინსტიტუციონალური ინვესტორი, უცხოელი ინვესტორი, თუ კერძო ადგილობრივი ინვესტორი, მოკლევადიან სარგებელზეა ორიენტირებული. ამის მიზეზი ისიცაა, რომ ქვეყანას არ გააჩნია გრძელვადიანი ინვესტირების სტრატეგია, რომელშიც ნათლად გამოჩნდებოდა ქვეყნის მთავრობის ორიენტაცია ამ მიმართულებით.

გრძელვადიანი ინვესტირების სფეროები: სპეციფიკა, კლასიფიკაცია, საჭიროება, განვითარების პერსპექტივა, სტრატეგიის შემუშავება.

მეცნიერები გრძელვადიან ინვესტიციის ერთ განმარტებაზე არ არიან შეთანხმებულნი. ზოგი მეცნიერი გრძელვადიან ინვესტიციად თვლის იმ სახსრებს, რომელიც ერთ წელზე მეტი ვადის მქონე საქმეზე იხარჯება, ზოგი კი უფრო მეტისას. ჩვენი აზრით, უფრო უპრიანია გრძელვადიან ითვლებოდეს 3 წელი და მეტი, რადგან თვით კომპანიების ბიზნეს-გეგმებიც კი სულ მცირე 3 წლის პერიოდზე დგება, სტრატეგიული გეგმები კი – როგორც კომპანიებში,

ისე ქვეყნებში – 5 და მეტი წლების პერიოდზე.

გრძელვადიანი ინვესტიცია იმ საქმის ფინანსური უზრუნველყოფაა, რომელიც უკუგების მეტ-ნაკლებად ხანგრძლივი დროით ხასიათდება. არცერთ შემთხვევაში მასში არ შედის ერთ წელზე ნაკლები დროით დახარჯული ინვესტიციები, რომლებსაც მოკლევადიანი ინვესტიციები ეწოდებათ, და, რომელზეც ძირითადად ორიენტირებული არიან კერძო ინვესტორები. ეს თავისებურება განსაკუთრებით გამოკვეთილია საქართველოში, სადაც მეწარმეც და ინვესტორიც, მხოლოდ მოკლე ვადაში გამდიდრების სურვილით არიან შეპყრობილნი. ვერც გაამტყუნებ – ისინი მოგებაზე ორიენტირებული პირები არიან და თუ საიდან და რამდენ ხანაში მიიღებენ მოგებას, ეს მათი თავისუფალი არჩევანია.

სულ სხვა პასუხისმგებლობა ეკისრება სახელმწიფოს. გრძელვადიანი ინვესტიცია მან უნდა განიხილოს როგორც საშუალება რა დაუტოვოს მომავალ თაობებს – ავტო და რკინიგზის მაგისტრალები, გვირაბები, ხიდები, პიდროელექტროსადგურები, პორტები, წიაღისეულის ამუშავებული საბადოები თუ სხვა. არცერთ მათგანზე კერძო ინვესტორი ფულს არ დახარჯავს (გამონაკლისია მცირე ჰესები და ადვილად მოპოვებადი წიაღისეული), რადგან ეს ფული მას უფრო მოკლე დროში, უფრო მეტ მოგებას მისცემს ვაჭრობაში, სარესტორნო ბიზნესში, ტურიზმში და მომსახურების სხვა სფეროებში და იგი არჩევანსაც მათზე აკეთებს.

თვით პ. სამუელსონიც წერს ამის შესახებ: „სახელმწიფო მთავრობა შეგნებულად უნდა წავიდეს კაპიტალის ჩადებაზე ინფრასტრუქტურის ობიექტებში, რადგან ზოგიერთი მათგანი კერძო კაპიტალის შეზღუდული ბაზრისთვის დიდი მასშტაბისაა, თანაც ამოგება იწყება დიდი ხნის გასვლის შემდეგ, რაც არ დაინტერესებს კერძო ინვესტორს“ [1, გვ. 21].

მსგავსი აზრი გამოთქვა მეცნიერმა ა. პიზენტიმ, რომელმაც ჩათვალა, რომ „...კლასიკური კაპიტალდაბანდებები, რომლებსაც კაპიტალიზმი მოითხოვს სახელმწიფოსაგან, უნდა დაბანდდეს „საზოგადოებრივ სამუშაოებში“, ანუ იმ პირობების კომპლექსში, რომელთაც ამჟამად მსოფლიოში ინფრასტრუქტურას უწოდებენ (სატრანსპორტო ქსელი, გზები, მიწათმოქმედება და სხვა)“ [2, გვ. 76].

ამ მოსაზრებას იზიარებენ მეცნიერები ხ. ზინგერი და დ. ნორტი. მათი აზრითაც „იმ ქვეყნებში, რომლებიც ეხლა ახდენენ საბაზრო ურთიერთობების ფორმირებას (ასეთი ქვეყანაა საქართველოც), საჭიროა, დაიცვან გარკვეული ინვესტიციური სტრატეგია... მათ ინვესტიციები ინფრასტრუქტურებში უნდა წარმართონ და ეს ხელს შეუწყობს ნაციონალური შემოსავლის ზრდას, რომელიც შემდეგ სრულფასოვანი ეკონომიკური სისტემის ფორმირების მასტიმულირებელი იქნება“.

დღევანდელ საქართველოში, რომელიც სწორედ ახლად აყალიბებს საბაზრო ურთიერთობებს, ეს ასეც ხდება, ანუ ინფრასტრუქტურის ობიექტებს მართლაც სახელმწიფო აშენებს ბიუჯეტის ხარჯზე. ინფრასტრუქტურის ობიექტების გარდა, არის ისეთი ობიექტებიც, რომელთა ამუშავება გრძელვადიან ინვესტირებას მოითხოვს და ამ მიზეზით კერძო მეწარმეები მათით არ არიან დაინტერესებულნი. ასეთია სამთო-მოპოვებელი მრეწველობის ობიექტები ანუ წიაღისეული საბადოები. დღეს ეს დარგი არა მხოლოდ კერძო სექტორიდანაა უყურადღებოდ დატოვებული (გარდა კაზრეთის ოქროს მოპოვებისა), არამედ სახელმწიფოდანაც. 2007-2017 წლებში საქართველოში შემოსული უცხოური პირდაპირი ინვესტიციებიდან ამ სფეროში დაიხარჯა მხოლოდ მისი 3,5% (529799 ათასი დოლარი). მაშინ როდესაც 23,7% დაიხარჯა ტრანსპორტსა და კავშირგაბმულობაში, 13,2% – ენერგეტიკაში, 11,6% – გადამამუშავებელ მრეწველობაში, 10,7% – საფინანსო სექტორში, 10% – მშენებლობაში, 8,7% – უძრავ ქონებაში [3]. ეს იმას ნიშნავს, რომ ამ სფეროთი არც მაინცდამაინც უცხოელები არიან დაინტერესებულნი.

ჩვენი აზრით, მანამ საქართველოში სრულყოფილი ბაზარი განვითარდება, რომელიც თავისი „უჩინარი ხელით“ აამუშავებს სამთო-მოპოვებით მრეწველობასაც, საქართველოს მთავრობამ საკუთარი დაფინანსებით უნდა აამუშაოს გრძელვადიანი ინვესტირების ეს სფეროც მეტიც, როგორც ამას წერს ცნობილი ქართველი პროფესორი ე. მექვაბიშვილი, – „საქართველოს მთავრობამ ინვესტორებს უნდა შესთავაზოს მზა საინვესტიციო პროექტები [4, გვ. 223]. ჩვენი აზრით, პატივცემული მეცნიერი გულისხმობს იმ პროექტების ამუშავებას, რომ-

ლებიც საქართველოსთვის არის პრიორიტეტული. ასეთ დროს, საქართველო „საინვესტიციო პოლიტიკაში იყენებს „ex post“ მიდგომას, რაც ნიშნავს იმას, რომ საინვესტიციო პროცესის ინიციატორად ძირითადად გამოდიან პოტენციური ინვესტორები და სახელმწიფო მხოლოდ „შემხვედრი ნაბიჯების“ გადადგომით ახდენს საინვესტიციო ციკლის შემდგომ გაუმჯობესებას [5, გვ. 145]. ჩვენი აზრით, უპირველესად, ქვეყანაში უნდა არსებობდეს ქვეყნის გრძელვადიანი ინვესტირების სტრატეგია, რომელშიც ამ სამი სფეროსთვის ინფრასტრუქტურა, ენერგეტიკა და სამთო-მოპოვებითი მრეწველობა მომავალ 5-10 წლიან პერსპექტივაში დეტალურად გაიწერება რა უნდა გაკეთდეს, რომელ ვადებში, ვის მიერ (შესრულებაზე პასუხისმგებელი) და დაფინანსების რომელი წყაროთი.

ამ სტრატეგიის შემუშავებამდე უნდა დადგინდეს უპირველესად რისი მშენებლობა სჭირდება საქართველოს და რა რესურსული შესაძლებლობა აქვს მას ამისთვის. რესურსული შესაძლებლობა (ინვესტიციები გვაქვს მხედველობაში) უნდა შეუდარდეს გრძელვადიანი ინვესტირების ობიექტების საჭიროებას. სტრატეგიაში მარტო იმის მითითება რომ დაფინანსების წყარო იქნება „უცხოური“ ან „ადგილობრივი“, არ არის საკმარისი. ეს თანხები უნდა დაპროგნოზდეს მაქსიმალური სიზუსტით და მაინცდამაინც უცხოურ ინვესტიციებზე არ უნდა გაკეთდეს აქცენტი, რადგან უცხოელი ინვესტორები არ ითვალისწინებენ საქართველოს ეკონომიკის პრიორიტეტებს. „უცხოური ინვესტიციები თითქმის ყოველთვის იწვევს მოუსვენრობისა და ეჭვის გრძნობებს, – წერს მეცნიერი გ. ურუშაძე, – და ეს არ არის საფუძველს მოკლებული. ობიექტურად თუ ვიმსჯელებთ, უეჭველად არსებობს გარემოებები, რომლებიც ზემოთ აღნიშნულ ეჭვებს განაპირობებს და არცთუ იშვიათად ეს ეჭვები მართლდება კიდევაც“ [6, გვ. 77]. კიდევ უფრო დიდ უნდობლობას გამოხატავს უცხოური ინვესტორების მიმართ ქართველი მეცნიერი კ. ციმინტია: „საქართველოს მასშტაბისა და მდგომარეობის ქვეყნისთვის, – წერს იგი, საფრთხის შემცველია, როგორც პროცესებში სწრაფი ჩართვა, რაც ალბათ უცხოური ინვესტიციების მძლავრი ექსპანსიით იქნება შესაძლებელი, და, გამოიწვევს საქართველოს ეკონომიკურ-პოლი-

ტიკური ცხოვრების გარე ძალებისაგან მაღალი ხარისხით კონტროლს, ასევე პროცესებისადმი ინერტული დამოკიდებულება. პირველ შემთხვევაში, საქართველო მსოფლიო ეკონომიკაში მძლავრად ინტეგრირებულ, მდიდარ, მაგრამ ფაქტიურად დამოუკიდებლობადაკარგულ ქვეყნად წარმოგვიდგება“ [7, გვ. 59].

ამ საკითხის დარეგულირება ისე, რომ საქართველო არც რომელიმე უცხოური ინვესტორ-ქვეყნის „კოლონიად“ იქცეს, მაგრამ არც მუდმივად. ჩამორჩენილ, ღარიბ ქვეყნად დარჩეს, მხოლოდ ქვეყნის მთავრობას შეუძლია. მოცემულ, ჩვენთვის საინტერესო სფეროში, მხედველობაში გვაქვს გრძელვადიანი ინვესტირება, მან უნდა დაადგინოს ძირითად კაპიტალში უცხოური და ადგილობრივი ინვესტიციების ოპტიმალური წილები (ის არ უნდა გაიტაცოს, რაც შეიძლება მეტი უცხოური კაპიტალის შემოტანამ) და ეს დააფიქსიროს ქვეყნის განვითარების სტრატეგიაში. ასეთ ვითარებაში, გარდა იმისა, რომ საქართველოს სოციალურ-ეკონომიკური განვითარების 2016-2020 წლების სტრატეგია – „საქართველო – 2020“ მეტად დაგვიანებით, მხოლოდ 2013 წელს დაიწერა, ინვესტირებაზე მასში მხოლოდ ზოგადი ფრაზებია მოცემული და ინვესტირებაში მოკლევადიან და გრძელვადიან დაყოფაზე ან უცხოური კაპიტალის რაიმე ოპტიმალურ წილზე, საერთოდ არ არის საუბარი.

სტატიის ამ ნაწილში იმის აღნიშვნა გვინდა, რომ რა დასაზიანებელი არ უნდა იყოს, დღეის მდგომარეობით საქართველოს არ გააჩნია არა თუ გრძელვადიანი ინვესტირების, არამედ ზოგადად ინვესტირების განხორციელების არც კონცეფცია, არც სტრატეგია და არც არავითარი ხედვა. ქვეყნის კანონშემოქმედებს ჯერ ამაზე არ უფიქრიათ. არსებობს მხოლოდ კანონი – „ინვესტიციების და გარანტიების შესახებ“, მაგრამ კანონი კანონია, იქ უფლება-მოვალეობებია სამართლებრივად გაწერილი და არა ინვესტირების გრძელვადიანი ხედვა, ქვეყნისთვის საჭირო პრიორიტეტების წინ წამოწევა, და, მათი სახელმწიფო და კერძო ინვესტირების მხარდაჭერა, ერთის და მეორის სფეროები, მიჯნები და მოსალოდნელი შედეგები, ინვესტიციების სავარაუდო წყაროები, ინვესტიციური პროექტების პორტფელის ფორმირების პრობლემა და მრავალი სხვა. ისიც უნდა ითქვას, რომ

ის სტრატეგიებიც კი, რომლებიც სხვადასხვა სფეროში გვაქვს, – საქართველოს სოციალურ-ეკონომიკური განვითარების სტრატეგია – „საქართველო – 2020“, „მცირე და საშუალო მეწარმეობის განვითარების სტრატეგია 2016-2020 წლებისთვის“, „საქართველოს ენერგეტიკის განვითარების სტრატეგია“ და სხვები, მათ შორის საქართველოს ცალკეული რეგიონების განვითარების სტრატეგიებიც, ამ ბოლო წლებში, კერძოდ, 2013-2015 წლებში შემუშავდა. იქამდის საქართველო ფაქტიურად უკომპასო გემი იყო ოკეანეში.

სტრატეგია გრძელვადიანი ხედვაა. დღევანდელ სწრაფადცვლად გარემოში, შეიძლება ის იმ სიზუსტის არც იყოს, როგორც იყო ხოლმე, 50-100 წლის წინ, მაგრამ მის გარეშე, როგორ გავიგოთ საით მივდივართ?

1952 წლის 4 ივლისის დილით კალიფორნიის სანაპიროზე ჩამოვვა ნისლი. ამ დროს ამ სანაპიროდან 34 კმ-ით დასავლეთით, კუნძულ კატალინასთან წყალში შეცურდა 30 წლის ქალი – ფლორენს ჩადვიკი, რომელსაც გადაწყვეტილი ჰქონდა გაეცურა ეს მანძილი კალიფორნიამდე და დაემყარებინა ქალთა შორის რეკორდი. ეს ის ქალბატონი იყო, რომელმაც პირველმა გადაცურა ლა-მანშის სრუტე ორივე მიმართულებით. 15 საათი ცურვის შემდეგ, როცა კალიფორნიამდე დარჩა სულ რაღაც ნახევარი მილი, მან მოითხოვა წყლიდან სასწრაფოდ ამოყვანა. ფლორენსი ამოიყვანეს. რეპორტიორების შეკითხვაზე თუ რამ შეუშალა ხელი დარჩენილი ნახევარი მილის გაცურვაში, მან, თავისი დამარცხებით შოკირებულმა, უპასუხა: ხელი შემეშალა ნისლმა, მე რომ ნაპირი დამენახა გაუძლებდიო“ [8, გვ. 16].

ამ ქალბატონისთვის ზღვის ნაპირი ანუ კალიფორნიის ზღვისპირეთის მიწა იყო მისი მიზანი, რადგან მან ეს მიზანი ნისლის გამოვერ დაინახა, დანებდა დამარცხებას. ამ ჩანართიდან ის დასკვნა კეთდება, რომ მიზანი აუცილებლად უნდა არსებობდეს. მიზანი უნდა ჰქონდეს ცალკეულ პიროვნებას, ორგანიზაციას და თვით ქვეყანას. თანაც, მარტო მიზნის არსებობა საკმარისი არ არის. ადამიანებმა იგი წერილობით (ან ელექტრონულად) უნდა აღმოსცენ. ეს იწვევს სიცხადეს აზროვნებაში. მაშასადამე, მიზანი, ცალკეული ადამიანის იქნება იგი, ოჯახის, ორგანიზაციის თუ ქვეყნის,

უნდა იყოს მკაფიო, ნათელი, ცხადი და წერილობით ან ელექტრონულად დაფიქსირებული. მიზნის სიცხადეს უზრუნველყოფს დროში მისი სწორი დაგეგმვა, ნაწილებს შორის სინქრონიზაცია, მპასუხისმგებელ პირთა გამოყოფა, რესურსული წყაროების გამოკვეთა და როგორც მისი ლოგიკური შედეგი იმ სოციალურ-ეკონომიკური ეფექტის ჩვენება, რომელსაც ადამიანი, ორგანიზაცია თუ ქვეყანა მისგან ელის.

ცალკეული პიროვნებები და ოჯახები სტრატეგიებს არ ადგენენ. ორგანიზაციებს, განსაკუთრებით ბიზნეს-სუბიექტებს და მთლიანად ქვეყნებს კი – სტრატეგიები სჭირდებათ. საზღვარგარეთისთვის ეს ცხოვრების ჩვეულებრივი სტილია. იქ სტრატეგიული მენეჯმენტის დაუფლებაზე ათასგვრდიანი სახელმძღვანელოები იწერება და მრავალი კვლევები ტარდება. ყველა იმ სახელმძღვანელოში, თუ კვლევაში, გამოკვეთილად არის ნაჩვენები ჩვენს მიერ ზემოთ დასახელებული ორი მიზანი: 1. სტრატეგიული მიზანი, ანუ რას გვინდა, რომ მივაღწიოთ და 2. ფინანსური მიზანი, ანუ რა გვინდა, რომ იქიდან მივიღოთ.

მაშასადამე, ნებისმიერი სტრატეგია დაწერილი თუ ჯერ კიდევ დაუწერელი, ცალკეული ბიზნეს-სუბიექტის იქნება იგი თუ ქვეყნის, ამ ორ მიზანს უნდა ისახავდეს და მასზე პასუხს იძლეოდეს. სამწუხაროა, მაგრამ ფაქტია, რომ საქართველოს არცერთი სამთავრობო სტრატეგია – „საქართველო – 2020“ მცირე და საშუალო მეწარმეობის განვითარების, ენერგეტიკის განვითარების თუ სხვა, ამ კონტექსტში არ არის დაწერილი.

ასე რომ, საქართველოში მაშინაც კი, როცა სტრატეგიები იწერება, მათი საბოლოო ფორმირება და რეალიზაცია არ ხორციელდება იმ აუცილებელი მოთხოვნებით, რაც ზოგადად სტრატეგიის წინაშე დგას. მეორე და უფრო მტკივნეული საკითხია სტრატეგიის არ არსებობა. საქართველოში ერთ-ერთი ასეთი სფერო არის გრძელვადიანი ინვესტირების სფერო, კერძოდ, ინფრასტრუქტურა, ენერგეტიკა და სამთო-მომპოვებითი მრეწველობა.

ენერგეტიკის განვითარების სტრატეგია საქართველოში არსებობს, თუმცა მასში ინვესტიციები ერთი სიტყვითაც არ არის ნახსენები. ასევე ნაწილობრივ არსებობს ტრანსპორტის და ლოგისტიკის განვითარების სტრატეგია.

არც მასშია ინვესტიციებზე საუბარი. საქართველოს სოციალურ-ეკონომიკურ განვითარების სტრატეგიაშიც – „საქართველო – 2020“ – ეს ორი დარგი მეტად ზოგადად არის მოხსენიებული. რაც შეეხება ისეთ გრძელვადიან ინვესტირების სფეროს, როგორიცაა სამთო-მოპოვებითი მრეწველობა, მის განვითარებაზე (თუ არ განვითარებაზე) არც ცალკე სტრატეგია არსებობს და არც „საქართველო – 2020“-ში არის იგი ნახსენები.

დასკვნა

ამ ყველაფრით იმის თქმა გვინდა, რომ ქვეყანას უნდა ჰქონდეს გრძელვადიანი ხედვა, რომელსაც უნდა ახლდეს გრძელვადიანი ინვესტირების სტრატეგია. ამის გარეშე, არც ის გვეცოდინება საით მივდივართ, და, არც ის თუ

რა რესურსი გვჭირდება იმ სასურველ მიჯნაზე გასასვლელად.

აღრინდელ საქართველოში ასეთ დიდ სახელმწიფო მნიშვნელობის საკითხებს „ბრძენთა საბჭო“ წყვეტდა. „ბრძენთა საბჭო“, როგორც უმაღლესი ინსტანციის ორგანო, დღეს არ გვყავს, მაგრამ გვყავს ბრძენი მეცნიერები. მათი ერთი ნაწილი ეკონომიკის მოდერნიზაციას გვთავაზობს და გადაუდებელ ამოცანად „საერთო ეროვნული და საერთო-სახელმწიფოებრივი სტრატეგიული ინოვაციური მეტამოდელის შექმნა“ მიაჩნია [4, გვ. 242].

ჩვენი აზრით, საქართველოს მთავრობისთვის არ უნდა იყოს ძნელი მრგვალი მაგიდის გარშემო. ამ ბრძენი მეცნიერების შეკრება და საქართველოს გრძელვადიანი განვითარების გონივრული პოლიტიკის ჩამოყალიბება

გამოყენებულ ლიტერატურა:

1. Самоэлсон П. Экономика, М., Алгон, т. 1, 2010.
2. Семенова Е. Ценные бумаги в системе финансовых потоков, М., 1998.
3. <http://www.geostat.ge>
4. მექვაბიშვილი ე. გლობალიზაციის ეპოქის ფინანსური კრიზისები და, საქართველოს ეკონომიკა, თბ., 2018.
5. ბოლქვაძე ბ. სახელმწიფო საინვესტიციო პოლიტიკის თანამედროვე გამოწვევები: პრაგმატულ-კონცეპტუალური მიდგომები, ჟ. „ეკონომიკა და ბიზნესი“, №1, 2018.
6. ურუშაძე გ. უცხოური ინვესტიციები და საქართველოს ეკონომიკის განვითარების გზები, თბ., 2015.
7. ციმინტია კ. ეკონომიკის სახელმწიფოებრივი რეგულირება, სოხუმის სახელმწიფო უნივერსიტეტის გამომცემლობა, თბ., 2009, გვ. 13.
8. Архангельский Г. и др. Тайм-менеджмент, М., 2014.

About developing some areas of long-term investment

*Mariam Eristavi, PhD student
Georgian Technical University*

Summary

In the article - “About Developing Some Areas of Long-Term Investment” – firstly are represented areas of long-term development, such as – infrastructure (including transport and logistics), energy and mining industry – afterwards they are discussed under those fields, that are not under interest of private sector due to their long-term factor and state should take under its control.

The article mentions that Georgian infrastructure, transport and logistics (partially) as well as energy facilities (also partially) are indeed funded by the state, as for the mining industry, investments in this field are substantial.

In the author’s point of view, through long-term investment we are creating objects that we leave to future generations, so the country must have a vision of what our next generations will need from us, to choose wisely priorities and build them within the resources available to the country. When discussing the resource issue, the author prefers local investors because she is concerned that under excessive leverages with foreign investment will cause losing our control on our strategic objects.

In conclusion, the author proposes that there should be developed separate strategy of long-term investment areas.

Keywords: Long-term investment; Areas of long-term investment; Infrastructure; Energy; Transport; Mining industry; Investment strategy.